



*Entidade Local Menor
de Bembrive*

**ACTA DA SESIÓN ORDINARIA DA XUNTA VECIÑAL NÚM. 8/2022, DO DIA 25
DE AGOSTO DE 2022**

Na sede da Entidade Local Menor de Bembrive, sendo ás vinte horas e dezasete minutos do xoves día 25 de agosto de 2022, previa convocatoria de sesión ordinaria realizada pola Alcaldía mediante Resolución de 22 do mesmo mes, réunese a Xunta Veciñal, baixo a Presidencia do Alcalde-Pedáneo, D. Marcos Castro González, asistindo os seguintes vocais:

D ^a . Patricia Otero Carrera	PSdeG – PSOE
D. José González Domínguez	PSdeG – PSOE
D ^a . Antía González Fernández	PSdeG – PSOE
D. Manuel Costas Costas	PSdeG – PSOE

Asiste á sesión, en calidade de secretaria da Corporación, Patricia Alvarellos Leis.

O obxecto da sesión é o tratamento e resolución dos seguintes puntos da

ORDE DO DÍA

I. PARTE RESOLUTIVA:

1. Acta anterior:

- Núm. 7/2022, do 28 de xullo de 2022.

2. Aprobación, se procede, do Expediente de Recoñecemento Extraxudicial de Créditos núm. 5/2022 por importe total de 3.140,62 €.

II. PARTE DE CONTROL:

3. Resolucións da alcaldía – pedanía.

4. Rogos e preguntas.

Ábrese a sesión polo Sr. Alcalde Pedáneo á hora arriba indicada.

Acto seguido, procédese ao tratamento dos puntos da ORDE DO DÍA:



Entidade Local Menor de Bembrive

1. Acta anterior:

- Núm. 7/2022, do 28 de xullo de 2022.

Sometida á consideración da Xunta Veciñal o borrador da acta da sesión citada, distribuída coa convocatoria desta sesión, e ao non producirse intervencións, declárase aprobada por unanimidade dos asistentes.

2. Aprobación, se procede, do Expediente de Recoñecemento Extraxudicial de Créditos núm. 5/2022 por importe total de 3.140,62 €.

O Alcalde dá conta da proposta do 22.08.2022 co seguinte contido:

“En relación co expediente de aprobación do recoñecemento extraxudicial de créditos número 5/2022, emito a seguinte proposta, con base aos seguintes,

ANTECEDENTES DE FEITO

PRIMEIRO. - Que mediante providencia de Alcaldía-Pedanía de 22 de xullo de 2022 viuse a necesidade de aprobar un expediente de recoñecemento extraxudicial de créditos.

SEGUNDO. – Que con data 22 de agosto de 2022 emitíuse informe por parte da secretaria-interventora, que obra no expediente.

LEXISLACIÓN APLICABLE

- *Artigos 163, 169.3, 173.5, 176 a 179 do Real Decreto Legislativo 2/2004, do 5 de marzo, polo que se aproba o Texto Refundido da Lei Reguladora das Facendas Locais (TRLRFL).*
- *Artigos 25.1, 26.1, 60.2 do Real Decreto 500/1990, do 20 de abril, que desenvolve o Capítulo primeiro do Título sexto da Lei 39/1988, do 28 de decembro, Reguladora das Facendas Locais (TRLRFL).*

Por isto, visto o informe da secretaria-interventora incorporado no expediente, dispoño que pase o presente expediente para o seu debate e aprobación na vindeira sesión ordinaria da Xunta Veciñal que se celebre, coa seguinte:

PROPOSTA DE ACORDO

PRIMEIRO. - Tomar conta das observacións feitas pola secretaria-interventora no seu informe de data 22 de agosto de 2022, que consta incorporado ao expediente, e levantar o reparo suspensivo correspondente.

SEGUNDO. – Esta Alcaldía proponlle á Xunta Veciñal que adopte, se procede, o seguinte ACORDO:



Entidade Local Menor de Bembridge

Aprobar o recoñecemento extraxudicial de créditos núm. 5/2022 a efectuar ao abeiro do artigo 60.2 do R.D. 500/1990, de 20 de abril, para o abono de dúas facturas que se integran na relación de xustificantes de gasto núm. 2022 24 por un importe total de 3.140,62 €, nos termos que se detallan a continuación:

Facturas tramitadas no expediente de REC núm. 5/2022					
Núm. factura	Nº Xustificante de Gasto	Data factura	Data rexistro	Importe* (€)	CIF Proveedor
C20/3803	2020 66-357	01.11.2020	12.11.2020	226,79	B-36634715
1	2022 66-218	20.07.2022	20.07.2022	2.913,83	34877197-C
Total				3.140,62	

* IVE incluído (Desconto IRPF 15 %)

TERCEIRO. - Aplicar, con cargo ao orzamento do exercicio 2022, os correspondentes créditos con cargo ás aplicacións presupostarias indicadas na columna do listado que se achega.

Non obstante, a Xunta Veciñal acordará o que estime pertinente.”

.....

Informe da Alcaldía Pedanía. Informe:

Asunto: Expte de Recoñecemento Extraxudicial de Créditos núm. 5/2022.

ANTECEDENTES DE FEITO:

Visto a presentación de dúas facturas que corresponden a servizos prestados en exercicios anteriores para o seu pago nesta entidade.

As citadas facturas foron presentadas no rexistro de esta entidade a finais do 2020 e no 2022 o que fai necesario a incoación do pertinente expediente para o seu pago, xa que en algún caso puntual non existía consignación orzamentaria retrasando o sua correspondente tramitación.

CONCLUSIÓN:

Polos motivos anteriores citados esta Alcaldía pedanía considera oportuno a tramitación das referidas facturas incluídas no expediente de recoñecemento extraxudicial de crédito núm. 5/2022 para a súa aprobación e o seu posterior pago.

O expediente de recoñecemento extraxudicial deriva da posibilidade que teñen as entidades locais para proceder a recoñecer aquelas obrigas económicas que, aínda incumprindo a norma de non ter consignación orzamentaria, de non seguir o procedemento de adxudicación correspondente, ou de corresponder a exercicios anteriores, derivan de prestacións de servizos, execución de obras ou entrega de materiais que efectivamente se



Entidade Local Menor de Bembrive

realizasen, evitando así a necesidade de iniciar accións xudiciais correspondentes por parte dos provedores que serían estimadas en base a citada teoría do enriquecemento inxusto.

En consecuencia e ante a necesidade de regularizar de modo definitivo as débedas coas referidas empresas, con motivo de ser gastos realizados de servizos anteriores que resulta preciso e obrigatorio atender para evitar o prexuízo dos terceiros contratantes coa administración e o correlativo enriquecemento inxusto o sen causa desta.

.....

No expediente consta informe da Secretaría Intervención, emitido o 22.08.2022, e cuxas conclusións son as seguintes:

Primeira. – As prestacións amparadas nas facturas incluídas no presente expediente foron obxecto dunha contratación irregular, na medida en que foron adquiridas sen control previo por parte da Intervención desta Entidade e, polo tanto, sen contar con crédito orzamentario no momento de realizar o encargo das prestacións correspondentes e cunha ausencia total do procedemento, o que supón, conforme ao disposto na normativa sobre contratación, a nulidade absoluta ou de pleno dereito da relación comercial entre a Entidade Local Menor de Bembrive e as persoas ou entidades prestadoras dos servizos de referencia, sen prexuízo das responsabilidades que puidesen derivarse das citadas actuacións.

Como consecuencia de todo o anterior, procede fiscalizar desfavorablemente e formular reparo suspensivo aos gastos incluídos na relación de facturas 2022/024 para o recoñecemento extraxudicial núm. 5/2022, conforme ao disposto nos artigos 216.2 a) e c) do Texto Refundido da Lei Reguladora de Facendas Locais, por insuficiencia de crédito e omisión no expediente de requisitos ou trámites esenciais, que dan lugar a nulidade do acto administrativo, en virtude do artigo 39, apartados 1 e 2, da LCSP que remite ao art. 47 da Lei 39/2015 (LPACAP), por carecer de crédito orzamentario e prescindir total e absolutamente do procedemento legalmente establecido.

O citado reparo ten carácter suspensivo e deberá ser resolto pola Xunta Veciñal da ELM de Bembrive con carácter previo a aprobación das citadas facturas, de acordo co art. 217 do TRLRFL.

Segunda. - En virtude do principio xeral do dereito según o cal ninguén pode enriquecerse en detrimento de outro, nace unha obrigaón ex lege, e a Administración ha de restituir o enriquecemento. Por tanto, o expediente de recoñecemento extraxudicial de créditos previsto no artigo 60.2 do RD 500/1990, que ven a dar resposta á situación administrativa que nos ocupa, preséntase como un instrumento de gasto para facer efectiva a liquidación prevista no apartado 1 do artigo 42 da LCSP, que trae causa da resolución dun expediente de revisión de oficio e a súa finalidade é evitar o enriquecemento inxusto da Administración, sen prexuízo, no seu caso, da esixencia de responsabilidades.

A existencia do procedemento administrativo, neste caso de contratación e de execución orzamentaria, é una garantía de trato de igualdade aos provedores, e de eficiencia e transparencia na xestión pública do gasto, ademais dunha obriga legal.

Terceira. - Toda vez que o procedemento de recoñecemento extraxudicial de crédito supón imputar ao orzamento corrente gastos realizados sen contar coa consignación



Entidade Local Menor de Bembrive

orxamentaria correspondente, a súa utilización debe aplicarse con carácter excepcional, correspondendo a competencia para a adopción do acordo á Xunta Veciñal da ELM de Bembrive.

Cuarta. - No expediente constan as facturas correspondentes, memoria do Alcalde-Pedáneo no que se expón brevemente as causas que impediron a tramitación das facturas conforme aos procedementos previstos na normativa de contratación, así como as dilixencias das mesmas incorporadas nas facturas que conforman o expediente na que expresa a conformidade cos servizos realizados que se describen nos respectivos documentos, en canto a calidade, cantidade e prezo.

Quinta. - Tendo en conta a situación descrita deben seguir adoptándose as medidas de xestión económica e orxamentarias precisas para evitar que se repita a circunstancia de ter facturas pendentes de aplicar, correspondentes a exercicios pechados para ser aprobadas no vindeiro ano. Así mesmo, deberán establecerse mecanismos de control do gasto no exercicio 2022 que garantan que este se execute previa comprobación da existencia de crédito axeitado e suficiente e da correcta realización das previsións de ingresos, xa que un dos principios esenciais da xestión do gasto público é o da preceptiva existencia de crédito con anterioridade á súa realización. As obrigacións da facenda local nacen aínda que non exista dotación orxamentaria agora ben, para que sexan esixibles e se proceda ao seu pago, en condicións normais, debe existir a correspondente consignación orxamentaria.

Neste mesmo orde de ideas e tendo en conta actual coxuntura socio-económica é preciso advertir que a Lei Orgánica 2/2012, de 27 de abril, de estabilidade orxamentaria e sustentabilidade financeira, no artigo 7.2 dispón que a xestión dos recursos públicos estará orientada pola eficacia, eficiencia, a economía e a calidade, a cuxo fin aplicaranse políticas de racionalización do gasto e de mellora da xestión do sector público.

Sexta. - Según os datos contidos na base de datos de contabilidade da Entidade, na actualidade existen por diversos motivos alleos a esta Intervención un elevado número de facturas de exercicios anteriores que se atopan pendentes de conformidade, tramitación, aprobación e posterior pago, e outras pagadas pendentes de aplicación ao orzamento.

Esta forma de actuar supón unha vulneración sistemática do disposto no artigo 187 do Real Decreto Lexislativo 2/2004, do 5 de marzo, polo que se aproba o TRLRFL que establece a orde de prelación de pagos, de tal forma que á hora de realizar a expedición das ordes de pago, terán prioridade as obrigas contraídas nos exercicios anteriores que se atopan pendentes de pago e as que entraron con anterioridade no Rexistro desta Entidade, así como da Lei 39/2015 do Procedemento Administrativo Común, que recollen a necesidade de tramitar os expedientes por riguroso orde cronolóxico de incoación dos mesmos, determinada, cando se trata de expedientes administrativos de gasto, pola data de presentación da factura no rexistro correspondente.

Sétima. - No orzamento vixente existe crédito adecuado e suficiente ao nivel de vinculación xurídica dos créditos establecido na Base 6ª de Execución dos orzamentos da Entidade Local Menor (Área de gasto / Capítulo) para facer fronte ás obrigas económicas derivadas das actuacións que motivan o presente expediente, sen prexuízo das repercusións orxamentarias que poden resultar desta imputación.



Entidade Local Menor de Bembrive

Oitava. - Unha vez sexa, de ser o caso, adoptado o acordo polo órgano competente, remitirase á Intervención, procedéndose nese momento a efectuar a toma de razón deste.

Novena. - O presente informe constará e formará parte do informe que sobre a liquidación do orzamento do presente exercicio debe emitir a Intervención en aplicación do artigo 191.3 do TRLRFL e incorporárase, adicionalmente, ao expediente que sobre a Conta Xeral debe formar e redactar esta Intervención en aplicación do artigo 212.2 da normativa anteriormente citada.

.....

Non se producen intervencións.

ACORDO: Sométese o asunto a votación, resultando que por unanimidade dos membros presentes (do Sr. Alcalde e dos vocais, Sra. Otero Carrera, Sr. González Domínguez, Sra. González Fernández e Sr. Costas Costas), acórdase aprobar a proposta tal como quedou anteriormente transcrita.

II. PARTE DE CONTROL:

3. Resolucións da alcaldía – pedanía.

De conformidade ao recollido nos art. 22.2 da Lei 7/1985 e art. 42 do RD 2568/1986 polo que se aproba o ROF, pola Presidencia dase conta da relación das resolucións adoptadas pola mesma dende a convocatoria da sesión do 28.07.2022 ata a desta, e que estiveron á disposición dos Sres. e Sras. vogais dende a convocatoria desta sesión:

069 01.08.2022 Recoñecemento da obriga de gasto e **orde do pago das nóminas** do persoal laboral, funcionario e dos membros da Xunta Veciñal con dedicación, relativas ao mes de **xullo, por 7.536,43 €** (impte. neto).

070 03.08.2022 Recoñecemento de obriga do gasto e **orde de pago a 3 corporativos por asistencia a unha sesión da Xunta Veciñal en xullo 2022**, por impte. bruto total de **1.350,00 €**.

071 04.08.2022 **Adxudicación de contrato menor** de obras de “**Reparación en Camiño Bouza Fría (San Cibrán)**” a **Alberto Fernández Gómez**, por importe total de **2.492,60 €**, *expte 5/2022*.

072 08.08.2022 **Adxudicación de contrato menor** de obras de “**Varias reparación de mantemento: Rúa Recaré nº 4, merendeiro do parque do Pouso, parque do Galleiro e no Camiño do Cocho con estrada de Bembrive**” a **Alberto Fernández Gómez**, por importe total de **1.847,67 €**, *expte 6/2022*.



*Entidade Local Menor
de Bembrive*

073 18.08.2022 **Orde de pago a favor da A.E.A.T. por expte. de dilixencia de embargo de créditos, relativas a duas facturas correspondentes aos anos 2017 e 2018, por impte. total de 6.171,00 €.**

074 22.08.2022 **Convocatoria de sesión ordinaria da Xunta Veciñal para o 25.08.2022 (4 asuntos).**

4. Rogos e preguntas.

Non se formulan.

.....

E non tendo outros asuntos a tratar, a Presidencia levanta a sesión sendo as 20:22 h. do día indicado de todo o cal, como secretaria, dou fe.

Vº e pr. do Alcalde Pedáneo,

Asdo. Marcos Castro González



A Secretaria Interventora,

Asdo. Patricia Alvarellos Leis